

Broj: 01-04-13-07290/2023

Datum: 05.01.2024.godine

**BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE BOSNE I HERCEGOVINE  
ZASTUPNIČKI DOM**

Tajnik – Ivan Miličević

Veza vaš akt br. 05/1-02-549/23 od 22.12.2023.godine

n/p – zastupnica Ajša Milišić -Pepić

**BOSNA I HERCEGOVINA  
FEDERACIJA BOSNE I HERCEGOVINE  
VLADA FEDERACIJE BiH  
GENERALNI SEKRETARIJAT VLADE**

n/p- generalna sekretarka mr.sci. Edita Kalajdžić

PREDMET: Odgovor na zastupničku inicijativu, *dostavlja se*

Federalna uprava za inspekcijske poslove zaprimila je dana 29.12.2023.godine akt gornji broj koji je zastupnička inicijativa koju je postavila zastupnica Ajla Milišić-Pepić na nastavku 4. redovite sjednice Zastupničkog doma Parlamenta Federacije BiH, održane dana 21.12.2023.godine.

Uvažena zastupnica je pokrenula inicijativu da se uvedu kontrolni mehanizmi sprječavanja „namještanja“ tendera i javnih nabavki.

U svom obrazloženju, uvažena zastupnica ukazuje da na žalost javnost sve češće ima priliku svjedočiti malverzacijama prilikom objave javnih nabavki i tendera, a kako bi se u budućnosti ovo spriječilo, predlaže da Agencija za javne nabavke BiH i Federalna uprava za inspekcijske poslove, na koje organe je naslovljena inicijativa, pripreme kontrolne mehanizme sprječavanja ovih pojava u korist svih građana.

U odgovoru na predmetnu inicijativu, ne možemo nego da se složimo sa zastupnicom vezano za nužnost sprječavanja svakog vida zloupotrebe prilikom provođenja postupaka javnih nabavki a koje je regulisano Zakonom o javnim nabavkama BiH.

Javne nabavke su izuzetno specifična oblast koju obilježava veliki obim transakcija i kompleksnost uloga svih učesnika, i kao takve, su vrlo osjetljive na problem korupcije. Korupcija u javnim nabavkama „pojede“ ionako nedovoljna sredstva iz javnih izvora, rezultira nekvalitetnim robama, uslugama i radovima, koji se vrše za potrebe države, te, svakako, potkopava povjerenje građana i ponuđača u državu.

U javnoj nabavci su suprotstavljeni javni i privatni interesi. Javni interes je na strani države i građana. Naime, građani kao poreski obveznici očekuju zakonito, pravilno i efikasno trošenje budžetskih sredstava u postupcima javnih nabavki. Međutim, poreski obveznici vrlo teško mogu adekvatno ocijeniti kvalitet raspolaganja javnim sredstvima.

Ovo, naročito, radi ograničenog pristupa podacima i informacijama, s jedne strane, odnosno deficitarnosti stepena kompetencija, s druge strane. Izvor korupcije u javnoj nabavci je privatni interes.

Sprečavanje korupcije u javnim nabavkama mora biti usmjereno prema smanjenju prilika za korupciju. Bosna i Hercegovina, prema mjestu na koji je rangirana po korupciji, pod sve većim uticajem međunarodnih organizacija i integracija, institucionalizira sistem javne nabave u kojemu će biti osigurana efikasnost rada javne uprave, propisani mehanizmi kontrole i usvojena regulativa koja osigurava slobodno tržišno nadmetanje u postupcima javnih nabavki.

Vraćajući se na inicijativu, ovim ukazujemo zastupnici da je Agencija za javne nabavke BiH, između ostalog dužna da osmisli mehanizme kontrole, i u tom smislu je izdala kvalitetan Priručnik za sprečavanje korupcije u javnim nabavkama.

Što se tiče Federalne uprave za inspekcijske poslove, napominjemo da inspekcije u sastavu uprave nisu nadležne za vršenje inspekcijskih nadzora u provedbi Zakona o javnim nabavkama BiH.

S poštovanjem,

Dostavljeno:

1 x Tajnik Ivan Miličević

1 x zastupnica Ajša Milišić-Pepić

1 x Generalna sekretarka Vlade FBiH- mr. sci. Edita Kalajdžić


1 x a/a



05-01-2024



DIREKTOR



Mr. Anis Ajdinović